

# ***Ilanngussaql***



INATSISARTUT

**Ilaqutariinnermut, Naligiissitaanermut  
Isumaginninnermullu Naalackersuisoq kiisalu  
Peqqissutsimut Nunanillu Avannarlernik  
Suleqateqarnermut Naalackersuisoq**

Ulloq: 13. april 2015

J.nr.: 01.31.11-00014

**Aningaasaqarnermut Akileraartarnermullu Ataatsimiititaliamit sisamanngornermi  
ulloq 16. april 2015, nal. 11.00 ataatsimiittarfik 1-imi siunersiorneqarnissamut  
aggeqqusissut.**

2015-imi aningaasanut inatsisissatut siunnersuut pillugu Inatsisartut suleriaasianni § 19 naapertorlugu siunersiorneqarnissamut Ilaqutariinnermut, Naligiissitaanermut Isumaginninnermullu Naalackersuisoq kiisalu Peqqissutsimut Nunanillu Avannarlernik Suleqateqarnermut Naalackersuisoq Aningaasaqarnermut Akileraartarnermullu Ataatsimiititaliamit matumuuna aggersarneqarpoq. (UPA 2015/7).

**Aningaasaqarnermut Ataatsimiititaliap oqaaseqaatai apeqqutaalu:**

Aningaasaqarnermut Ataatsimiititaliap 2015-imi aningaasanut inatsisissatut siunnersuummut ilassutitut apeqqutai oqaaseqaataalu matumuuna nassiunneqarput. Ataatsimiititaliap 18. marts 2015-imi apeqqutaanut Naalackersuisut akissutaasa Aningaasaqarnermut Ataatsimiititaliamit misissorneqarnerat apeqqutinut pingaarnertut tunngavigineqarpoq.

Tassunga atatillugu apeqqutit makku Naalackersuisunit akineqarnissaat Aningaasaqarnermut Akileraartarnermullu Ataatsimiititaliamit kissaatigineqarpoq:

Immikkoortut normui taaneqartut ataatsimiititaliap 18. marts apeqqutaanut normuliuinneqartut assigat.

**8. Suliassa qarfik 30 – Ilaqutariinnermut, Naligiissitaanermut Isumaginninnermullu Naalackersuisoq**

**8.1 Konto pingarneq 30.01.01 Ilaqutariinnermut, Naligiissitaanermut Isumaginninnermullu Naalackersuisoqarfik**

Naalackersuisoqarfinni pisortatut atorfiit tallimat atorfiugallartut suli inuttassarsiorneqarsimanninnerannut suna tunngaviua?

**8.8 Konto pingarneq 30.11.10 Ineqarnermut tapiissutit**

2015-imut sunniteqassanngitsut Naalackersuisut taamaallaat paasissutissiissutigat. Ukiunili missingersuusiorfiusuni qanoq sunniteqassanganneqarpat?

**8.9 Konto pingarneq 30.12.08 Utoqqalinermi pensionisiat**

Apeqqut b)-mut Naalackersuisut akissutaanni allassimavoq utoqqaat pisortat neqerooru-taannik pissarsisinnaanerit qulakkeerseqassasoq. Tamanna Naalackersuisut qanoq isumaqartippaat?

## **9. Suliassaqarfik 34 – 35 Peqqissutsimut Nunanillu Avannarlernik Suleqateqarnermut Naalackersuisoq**

### **9.1 Konto pingaarneq 34.01.01 Peqqissutsimut Naalackersuisoqarfik**

Naalackersuisut paasissutissiipput immikkoortunut tamanut aningaasaliissutinut killiliussat piviusorsiortuunngitsut, tamatumalu kingunerigaa aningaasaqameq pingaarnerusutigut ataatsimut nalilerneqartarmat kontomiit kontomuunngitsoq. Tamanna ataatsimiititaliamit isumakulunnartinneqarpoq aammalu ajornartorsiut aaqqiiviginiarlugu Naalackersuisoq qanoq iliulersaarnersoq itisilerneqassasoq kissaatigalugu.

### **9.2 Konto pingaarneq 34.11.03 Dronning Ingridip Napparsimmavissua**

Akissummi allassimavoq utaqqisut allattorsimaffiat apparsarniarlugu immikkut aningaasaliissuteqarnerup kingunerisimagaa piffissap utaqqiffiusup sivikillingaatsiarsimasoq aammalu napparsimasut amerliartornerat maannakkut katsorsaanikkut piginnaassutsimut naleqqutikannersoq. Naalackersuisut akissutaat ima paasineqassava seeqquusalerinniartut/siffiaa-salerinniartut, grå stær, sunngakkut ujarattaqarnerit aammalu siutiminni igalaasamikkut putusoortut suliaritinnissamut piffissaq utaqqiffigisaat siunissami naammaginartumik sivilussuseqarsinnaassasoq, napparsimasulli erlavikkut kræfteqarsorisat amerliartornertik pissutigalugu taakku sivilunerusumik utaqqisariaqarnerannik nassataqassasoq, tassa suliassaqarfimmu tassunga maanna immikkut aningaasaliissutaasartut amerlaqataannik immikkut aningaasaliisoqanngippat?

### **9.6 Konto pingaarneq 34.12.03 Ataatsimut aningaasartuutit, napparsimasunik angallasinerit**

Napparsimasut Danmarkimut katsorsartikkiartornissaannut angallanneqarnerat pisortanit akilerneqartarmat, Danmarkimili napparsimavimmiinnerup nalaani toqusoqartillugu toqusup angerlamut angallanneqarnissaanut akiliussineq ajornerat imminut assortuussorinarpoq. Maleruagassat atuuttut ataqatigiissaariffigineqarsinnaanerit siunertarlugu pissutsit taamaannerat nutaamik isumaliutigineqartariaqartoq ataatsimiititaliaq isumaqarpoq. Naalackersuisut tamatumunnga qanoq oqaaseqaatissaqarpat?


Naalackersuisumik siunersiuinermini allanik aamma apeqquteqarnissani ataatsimiititaliap naatsorsuutigaa.

Ataatsimiititaliap Naalackersuisumik siunersiuinerata Naalackersuisup ataatsimiititaliallu akornanni pingaarnersiulluni tullerriarinerit anguniakkallu pillugit naalackersuinermut tunngasumik oqaloqatigiinnertut sapinngisamik iluseqartinneqartarnissaa Aningaasaqarnermut Ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqqutit siuliani allassimasut pillugit allakkiamik kalaallisut danskisullu ataatsimiititaliap Naalackersuisumik siunersiuineranut atatillugu pissarsisinneqarnissani ataatsimiititaliap kissaatigaa. Allakkiap kingusinnerpaamik ataatsimiititaliap Naalackersuisumik siunersiuinerata kinguninngua uunga nassinneqarnissaa qinnutigineqarpoq: [saam@ina.gl](mailto:saam@ina.gl). Allakkiap ataatsimiititaliap Naalackersuisumik siunersiuineranut nassarneqarpat atorneqar-

pallu taassuma nuutinnera ataatsimiititaliap Naalakkersuisumik siunersiuinerata aallartin-  
nerani ataatsimiititaliap oqalutnaanut ataatsimiititaliallu allataanut tunniuteqquneqarpoq.

Inussiarnersumik inuulluqqusillunga



Jens Immanuelson  
Ataatsimiititaliap siulittaasua



**Aningaasaqarnermut Akileraartarnermullu Ataatsimiititalimik 2015-mut An-  
ingaasanut Inatsisissaq pillugu tusarniaalluni ataatsimeeqateqarnissaq**

15.april 2015  
Sagsnr. 2015-  
Dok. Nr.

Matumuuna 2015-mut Aningaasanut Inatsisissaq pillugu ataatsimiititaliamit tusarni-  
aanermit atatillugu apeqqutinut akissuteqaatigut nassiuppagut.

Postboks 260  
3900 Nuuk  
Tlf. (+299) 34 50 00  
Fax (+299) 34 66 66  
E-mail: iian@nanoq.gl  
www.naalackersuisut.gl

Apeqqut:

8.1 Konto pingaarneq 30.01.01 Ilaqutariinnermut, Naligiissitaanermit Isuma-  
ginninnermullu Naalackersuisoqarfik:

Sumut peqquataasimanerluni pisortaanertut atorfiit 5-t manna tikillugu inuttas-  
sarsiorneqarsimanninnerannut?

Svar:

*Ilaqutariinnermut, Naligiissitaanermit Isumaginninnermullu Naalackersuisumit  
apeqqutigineqartoq pillugu akissutigisinnaavarput, Ilaqutariinnermut, Naligiis-  
sitaanermit Isumaginninninnermullu Naalackersuisup Naalackersuisut sinner-  
lugit Naalackersuisoqarfimmi pisortaliisarneq pillugu akissuteqaateqarsin-  
naangimmat, tamannami Siulittaasup Naalackersuisoqarfianit isumagineqart-  
armat. Siulittaasup Naalackersuisoqarfiata ilisimatitsissutigisimavaa, Naalak-  
kersuisoqarfinni pisortassatut inuttassarsiuinissat pissammata Naalackersuisut  
Siulittaasqarfianni pisortatut atorfik inuttalernerqareeriarpat.*

Apeqqut:

8.8 Konto pingaarneq 30.11.10 Ineqarnermut tapiissutit – Naalackersuisut  
kisiat oqariartutigisimavaat tamanna pillugu 2015-mi sunniuteqartoqarnaviangitsiq.  
Ukiunummi tulluittunut qanoq annertutigisumik sunniuteqassanganineqarami?

Akissut:

*Pilersaarutigineqarpoq ininik attartortarnermi akiliutinut tapiissutaasartoq pillugu  
UKA2015-mi Inatsisissatut siunnersuummik Naalackersuisut saqqummiussaqaarumaar-  
tut. Taanna 2016-miit atuutilersinneqassasoq naatsorsuutigineqarpoq. Piffissami isertita-  
rineqartut toqqammavigalugit ineqarnermut tapiissutip aalajangersaavigineqartalernerat-  
tigut Aningasaqarnermut Naalackersuisoqarfimmi isumaqarput aningaasanik sipaar-  
teqartoqarsinnaajumaartoq. Ukiuumortumik tamatumunnga tunngatillugu sipaarutaasus-  
saq 20 mio.kr.-nit missaannut tagginneqarpoq, taakkunangalu 12,6 mio.kr.-nit ineqar-*

*nermut tapiissutiniissasut aamma tagginneqarsimallutik. Sipaartissatut naatsorsuutigineqartut aatsaat inatsisissap akuersissutigineqareerneratigut allannguutissaat kontonut pineqartunut ikkussuuneqarumaarput.*

Apeqqut:

8.9 Konto pingaarneq 30.12.08 Utoqqalinermi pensionisiat. Naalackersuisut akisuteqaataani b)-mi erserpoq; utoqqaat pisortanit ikiorserneqartarnissamik periarfissineqartassasut. Tamanna pillugu qanorpiaq Naalackersuisut isumaqaramik?


Akissut:

*Qulakkeerniarneqassaaq utoqqaat utoqqarnut naatsorsuussani utoqqaallu illuini inis-saqartinniarneqarnissaat. Tamatumia saniatigut qularnaarniar-neqassaaq, utoqqaat sapinngisamik piffissami sivilsunerpaami pisariaqartutigut ikiorserneqarnermikkut nammineq inigisaminni najugaqarsinnaasarnissaat.*

Inussiarnersumik inuulluaqqusillunga

Julie Præst Wilche  
Pisortaanerugallartoq







### **Aningaasaqarnermut Akileraartarnermullu Ataatsimiititaliami isumasioqatigiinneq**

**Sisamangornermi apriliip ulluisa 16-anni 2015 nal. 18.00 Aningaasaqarnermut Akileraartarnermullu Ataatsimiititaliami isumasioqatigiinnermut atatillugu apeqqutinut akissutit**

**Imm. 9.1-imut tunngatillugu. Konto pingaarneq 34.01.01 Peqqissutsimut Naalakkersuisoqarfik**

Aningaasaqarnermut inatsimmi kontoni pingaarnerni aningaasaliissutinut naleqqussaannermik suliaqarneq, Peqqissutsimut Nunanillu Avannarlernik Suleqateqarnermut Naalakkersuisup ingerlappaa. Peqqinnissaqarfimmut aningasaliissutit ataatsimut isigalugit piviusorsiuunngitsutut isigineqanngillat, kontonulli ataasiakkaanut agguataarneqarnerannut tunngatillugu maanna aningaasaqarnikkut nalileeri-aatsip/aqutseriaatsip pitsaassusaa naliliivigineqarpoq taamatuttaaq avataaniit pisut nalimmassarfiguartaariaqarlutik. (imm. tullia takuuk).

Aningaasaqarnermi inatsimmi kontot ataasiakkaat imminnut ataqatigiimmata – ass. pinasuartumik napparsimasunik angallassinerit amerleriaateqarpata nunani allani nakorsartinnernut aningaasartuutit amerleriasammata, peqqinnissaqarfik ataatsimoortutut isigineqassaaq, kontot imminnut sunniivigeqatigiittarnerat kontonik ataasiakkaaraluni aningaasatigut aqutsisoqarsinnaannginneranik kinguneqarpoq. Nakorsartittunik malittarinnilluni misissuisarnerit nunatsinnut nuunneqarnerisa, aningaasartuutit nunani allani katsorsaanernut kontomiit Dronning Ingridip Napparsimmavissuanut sinerissamilu qitiusumik immikkoortortanut nuunneqartarnerannik kinguneqarnera assersuutissaa-vortaaq. Peqqinnissaqarfik aningaasaqarnermut inatsimmi kontomiit kontomut akissusaassuseqartumik aningaasaqarnikkut aqutsivoq, aningaasanilli sapinngisaq tamaat atorluanaanissaq siunertaralugu peqqinnissaqarfik ataatsimut isigalugu naliliisoqartuarpoq.

**Imm. 9.2-mut tunngatillugu. Konto pingaarneq 34.11.03 Dronning Ingridip Napparsimmavissua**

Suliaritinnissamut utaqqisunik ikilisaanermut aningaasaliissutit sulianik annertusititseqataanerisa, suliaritinnissat amerlanersaannut utaqqisarnerup sivikillineqarneranik kinguneqarnera, kissaatigisamik eqqutitsivoq. Suliaritinnissamut utaqqisutut nalunaarsorsimasut qiviassagaanni, nappaataasartut innuttaasullu peqqinnissaqarfimmut saaffiginnissutigisartagaasa allanngoriartornerisa takusinnaanissaa pingaaruteqarpoq. Peqqinneq qitiutinneqarnerulerpoq, nappaatillu ass. kræfti pillugu ilisimasaqarnerup annertunerulernera, saaffiginnissutit misissuinerillu amerlinerannik kinguneqarpoq.

15. april 2015  
Suliap nr. 2014-097523  
All. Nr. 1935795

Postboks 1160  
Tlf: 34 50 00  
Fax: 32 55 05  
3900 Nuuk  
Email: pn@nanoq.gl  
www.nanoq.gl



Maannamut isinik, saanernik/naggussanik siutinillu pilattaanermut inalugarsuakkullu kræfteqarsoralugit pasitsaassanik misissuinerumut atatillugu, immikkut ittumik suliaqarnissamut aningaasaliissuteqarnikkut qulakkeerneqartut, suliaritinnissamut utaqqisunut nalunaarsukkat nutaat, peqqinnissaqarfimmi nakorsaanissamut periarfissanut nukissanullu maannamut pigineqartunut naleqqiullugit, oqimaaqatigiissutut isikkoqarput. 2016-imiit kiffartuussineq annertunerulersoq taamaaginnassappat, tunngaviusumik 2016-imut aningaasanut inatsimmi aningaasaliiffigisariaqarpoq.

Taamaammat Naalakkersuisut 2016-imut inatsisissatut siunnersuusiornissamut atatillugu aningaasartuutissatut pisariaqartitat, kiffartuussinermut atatillugu anguniagassatut siunniussat anguneqarsinnaasut napertuuttut eqqarsaatigalugit, qanoq annertutigisariaqarnerannik, 2016-imut aningaasanut inatsisissap peqqinnissaqarfimmut tunngatillugu isumaqatigiissutigineqarnissaanut atatillugu, ukiuni arlalinni atuuttussamik peqqinnissaqarfimmullu pitsaasumik isumannaatsumillu periarfissiisussamik, tamatumalu peqatigisaanik aningaasaqarnikkut attanneqarsinnaasumik ineriartornissamut isumaqatigiissuteqarnissamik qinnuteqartoqarsinnaanera siunnerfigalugu, aningaasaliiffigineqarnissamut periarfissarsisinnaaneq pillugu peqqinnissaqarfik misissueqqissaarniarpoq. Apeqqutip aningaasaqarnerumut inatsisissap isumaqatigiinniarniutigineqarneranut maanna ingerlanneqartumut atatillugu oqaluserineqarissaa naatsorsuutigineqarpoq, oqaatigineqareersutulli 2016-imiit aatsaat unammilligassaqalissaaq, 2016-imiit atuuttussanik nutaanik aningaasaliissuteqanngin-nermi misissueqqissaarnissaq pisariaqarpoq.

#### **Imm. 9.6-imut tunngatillugu. Konto pingaarneq 34.12.03 Ataatsimut aningaasartuutit, napparsimasunik angallassinertit il.il.**

Napparsimasut najugaqarfimmik avataani misissorneqarneranni nakorsarneqarnerannilu/katsorsarneqarnerannilu kiffartuussinertit pillugit Namminersornerullutik Oqartussat nalunaarutaat nr. 2, 24 januar 2005-imeersoq. naapertorlugu napparsimasunik angallassinermut akiliuteqartussatut peqqinnissaqarfik inatsisitigut tunngavillimmik pisussaaffeqarpoq. Napparsimasut peqqinnissaqarfimmiinnerminni toqusut, napparsimasutut isigineqanngillat. Taamaalillutik peqqinnissamut tunngatillugu inatsisit maannamut atuuttut, toqusunik najukkanut angallassinermut atatillugu aningaasartuuteqarnissamut inatsisitigut tunngavissinngillat.

Napparsimasut najukkamik avataani nakorsartinnerumut atatillugu toqusut oqqunneqarnerannut aningaasartuutinut tunngatillugu inatsisilornissamut peqqinnissaqarfik pilersaaruteqanngilaq.

toqusut angallanneqarnerannut atatillugu aningaasartuutit napparsimasup najugaani kommunimit, ilaquttanit aamma/imat. toqusup pigisaanit akilernerqartarnerat ilisimatitsissutigineqarsinnaavoq.

Pisortanik ikiorsiissutit pillugit peqqussutip allannguuteqartinneqartup (illerfimmik angallassineq pisortanillu ikiorsiissutisarnermut atatillugu piumasaqaatinik erseqqissaaneq) pillugu Inatsisartut inatsisaat nr. 7, 31 maj 2010-meersoq naapertorlugu, kommunalbestyrelsi ilaatigut illerfimmik angallassinermut akiliuteqarsinnaasarpoq. Immikkut ittumik pisoqartillugu aningaasartuutit toqusup pigisaanit ilaqutaasunilluunniit akilernerqarsinnaanngippata ikiorsiisoqarsinnaasarpoq. Toqusup pigisai imal. ilaquttat akiliisinnaasimanerat kingorna paasinarsippat, ikiorsiissutip utertinneqarnissaa piumasaqaataasinnaavoq. Piumasaqaatit

tungatillugu pissutsinik allannguinnginnissap toqqarneqarnera  
ilisimatissutigineqarsinnaavoq.

Peqqinnissaqarfiup toqusunik angalassinissaa inatsisitigut tungavissinneqanngilaq.  
Napparsimasoq nunatsinni napparsimniviit arlaanni Qallunaat Nunaanniunniit  
peqqinnissaqarfiup innersuussivigisartagaani nakorsartinnermut atatillugu toquppat,  
peqqinnissaqarfiimmut saaffiginninnikkut nalinginnaasumik ilaasutut biliitsip akiata  
nalinganik Peqqinnissaqarfik akilfuteqassaaq.

Pisortanit ikforsiissutit pillugit Inatsisartut peqqussutaat nutarterneqalerpat tamanna  
soorunami nutaamik eqqarsaatersuutigineqassaaq.

Inussiarnersumik inuulluaqqusillunga

Med venlig hilsen



Martha Lund Olsen